



Бүгін Қызылорда қаласының әкімі Н.Нәлібаев Ұлы Жеңіс мерекесі қарсаңында майдангер және тыл ардагерлерін салтанатты түрде құттықтады.

100-ден астам Жеңіс авторлары қатысқан салтанатты шара барысында ардагерлердің құрметіне концерттік бағдарламалар ұсынылып, мерекелік дастарқан жайылды

Жыл санап қатары сиреген батыр әкелеріміздің саны осыдан 3 жыл бұрын Жеңістің 70 жылдық мерейлі мерекесінде 41 ардагер болса, бүгінгі күні Ұлы Отан соғысының 17 ардагері ғана ортамызда жүр. Мұнан бөлек, қаламызда 1 мың 800-ге жуық тыл ардагері бар. Олардың ішінде 35-і – тылдағы қажырлы еңбегі мен мінсіз әскери қызметі үшін бұрынғы КСРО ордендерімен және медальдарымен марапатталғандар.

«Халқымыздың данқты ұлдары мен қыздарының қан майдан мен жеңіс сағатын жанқиярлық істерімен жақындата түскен тылдағы еңбектері ешқашан да ұмытылмайды. Уақыт алға жылжыған сайын бұл ерліктің шоқтығы биіктеп, қадір-қасиеті, бағасы артып,

тағылым-тәрбиесі мен мән-мағынасы тереңдеп, даралана түседі. Азаматтық арды ту етіп, ерен ерліктің үлгісін көрсеткен жеңімпаз жандарға әрдайым қамқорлық жасау – біздің перзенттік парызымыз», - деді қала әкімі.

Мерекелік қабылдауға қатысқан барлық ардагерлерге қала әкімі арнайы естелік сыйлықтар табыстады.

Жалпы, биылғы Жеңістің 73 жылдығына орай Ұлы Отан соғысының ардагерлері мен оларға теңестірілген адамдарды әлеуметтік қолдауға жергілікті және облыстық бюджеттерден бір жолғы көмек ретінде барлығы 152 млн 620 мың теңге бөлінген.

Оның ішінде, Ұлы Отан соғысы ардагерлеріне – 192 мың 400 теңгеден, Ұлы Отан соғысы жылдарында тылдағы қажырлы еңбегі мен мінсіз әскери қызметі үшін бұрынғы КСРО ордендерімен және медальдарымен марапатталғандарға – 120 мың 250 теңгеден және Ұлы Отан соғысы жылдарында кемінде алты ай қызмет еткен адамдарға 72 мың 150 теңге мөлшерінде біржолғы материалдық көмек көрсетілуде.

Сонымен қатар, қала әкімдігі тарапынан ардагерлерге арналған түрлі қайырымдылық шаралар мен басқа да қажетті қолдаулар жасалуда.

Қала әкімінің баспасөз қызметі